

րեցաւ Պատրիարք միաբան Ս. Աթուոյն Կեոարիոյ Թալան գեղջէ նաայի վարդապետ Կարապետեան, եւ հեռագրով աւետեցին միաբանութեան զընտրութիւն նորին (1864. Օգոստոս 28): Եւ սկիզբն Սեպտեմբերի եւ յերուսաղէմէ 'ի ճանապարհ զնալ 'ի Թագաւորեալ քաղաքն, և ապա անտի ուղեւորեցաւ յԵջմիածին, ուր ձեռնադրեցաւ յաստիճան Եպիսկոպոսութեան 'ի Մատթէոս Կաթուղիկոսէ եւ դարձաւ 'ի Կոստանդինուպօլիս, եւ դադարեալ անդ աւուրս ինչ էառ զՊէշրաթն Պատրիարքական 'ի Սուլթան Ազիզ Արքայէ, և դարձ արարեալ անտի եհաս յերուսաղէմ յաւուրս Զատիկի երկուշաբթի, զոր ընկալեալ փառօք և պատուով միաբանաց՝ նստուցին հանդիսիւ յԱթոռ Պատրիարքութեան (1865. Ապրիլ):

Յայս վայր հասուցեալ զընթացս պատմութեան մերոյ, աստանօր կնքեմք զբանս մեր, զանց արարեալ զմանրամասն դէպս վերջին ժամանակիս, թողլով զայնս այլոյ ճարտարագոյն գրչի, և մեք աւանդեմք զայս երկար և դժուարաքիրտն վաստակ յօգուտ եւ 'ի շինութիւն Ս. Աթուոյս միաբանական դասուն և համայն օրհնեալ ազգիս, և 'ի փառս ամենասուրբ Երրորդութեան Հօր և Որդւոյ և Սուրբ Հոգւոյն այժմ և միշտ և յաւիտեանս յաւիտենից ամէն:

## Վ Ե Ր Զ

### ԵՐԿՐՈՐԴ ՀԱՏՈՐՈՅ

